

Jekabaara



World Vision

Cikela ceman n'a musoman kunnafonisèben

a be bɔ kalo o kalo
Jamana baarada la BP: 2043 Bamako (Mali)


Sikaso CMDT cikemara nemamaaba y'an jaabi

ne 3nan

Dantigélikan

Maa te ke foyi y'i yere ko. Awa ni bëe y'a ka keta ke, du bë diya, jama-na bë diya, kuma te dugu ma. Awa bëe ka se fana k'i jeyorō fa dugu kono, kasorō o ma lagosi ne si ma. Cew k'u ka ceya minen fa, musow fana k'u ka musoya minen fa. N'o kera netaa bë sabati. Duw kono, an ka són nögón ye, k'a dòn ko du kono minasewa yere de ye hère baju ye. Ben ka di. Hali forow kono, maa fila bennet bë kénéhaké min kélé k'a k'u sako ye, maa tan bënbalí t'o nöögón bɔ yorō wëre. Ga ni du ani dugudenw k'a dòn ko Ala yere ye maa minnu ka dijenatige dulon juru kelen na, naloma de b'i kan bɔ o juru la, k'a to tòw bolo. Ben ka di dëre. An ka ben, ka ko ke nögón ye ani ka ko to nögón ye. An k'a dòn ko ben kono, n'i y'a bëe men, i t'a bëe kélé; n'i y'a bëe ye, i t'a bëe fo; n'a bëe kera i la, i t'a bëe mone bɔ.

Tumani Yalam Sidibe



World vision ka ciklaw b'a taanu

ne 7-8nan

nininkaliw jaabi jekabaara taabolo kan

ne 11nan

"Kalan bë mögo són hakili la, nka kunnafoni bë mögo bɔ kunpan na". Yorō Ulen Sidibe

Kalo ladilikan



**Usumani N
Tarawele**

u nafaw koson.

Yanni samine baaraw ka damine, CMDT be ladikan lase cikelaw ma. O de hukumu kono, an bera kalo nata baara keta kologirinw fo nin yoro in na.

- O baara kunfolo be tali ke senekemisiw ladonni kan. An k'u min, k'u bila an bolokoro ani k'u balo ka ne. Nu b'an kerefe, a ka ca a la bana t'u min, barisa hali ni bana ker'a min minfen ye, an be se k'o furake joona. Ni sanji kunfolo binna fana, o b'u ninini wulikajo bo an ma. An be sin k'u min ka baara damine.

- Baara keta filanan ye senekeminew labenni ye, n'olu ye dabafinw ; dabahanaw ; ani dannerikemasinw ye. O senekeminew labenni be se ka ke an ka numuw ka kolosili kono. CMDT ka numu kalannenw. Olu kalannen don baaarakeminew ninnu labencogo numan na. O minenko kelen hukumu kono halibi, i b'a soro tarakiteri be dwo bolo. Geleya, dwo be soro tarakiteri nin na. Cikelaw be se ka geres CMDT mogow la, minnu ka baara nesinnen don masinko ma, walasa u ka masinw laben.

- Baara sabanan ye sumansi kerenkerenni y'an fe ka ne. O y'a numanw ninini ye k'u bila an bolokoro : (no ; kaba ; ... kooris). O si numanw mana soro, olu be furake ni sijolanw ye, k'u laben ka bila. Ni sijolan ker'u la joona, a be don u la, ka u banaw kelle yanni u danwaati ka se. Ni danni kera sumansi furakelen, o b'a wuli diya

ni barika ye. U be wuli ni fanga ye. Awa sumansi sata hake be dogoya.

- Baara naaninan ye dugujalanci baaraw ye. An y'a don k'a baara ka gelon, o koson mogo caman y'a dabila. Nka, a geleya fanba dulonen don sarimisiw labalobaliya la ka ne mogow fe. Ni sarimisiw labalola ka ne, dugujalanci baaraw be se ka ke ni nogoya ye. A kekun ye de walasa sanji fitiinin minnu be bin, olu kana ke fu ye. N'o sanjiw nana dugujalanci cilan kan, u be basigi dugukolo la. O sanji folow be se k'a to an k'an ka laburu n'an ka danni ke nogoya la. A kebaga n'a kebali ka baara kelenw te ke kelen ye. Dugujalanci nafa ka bon baara damine na haali.

- Baara duurunan n'a laban kalan kera duguyiriwatou be se kun salon. O ye nogo tilacogo numan ye. Yanni nogo tiladon ce, tonw jurukojekuluw ka kan k'u ka laje ke, ka minenw tila senekelaw be se ce gafew kono. O jurukogafew dira duguyiriwatou be se ma. Tilali be ke gafe olu kono ka ke ne ni cikela kelen-kelen be se ka baarakefanga n'u ka jurutafanga ye. N'o baara kera kabini sisan, ni nogo tilawaati sera, danni kunfolow kelen ko, magasantigiw ni tonw peresidanw be se ka tilali ke nogoya la. Bagajiw ta fana b'o cogo la. Ni baara ker'o cogo la, a ka c'a la, wooye te k'a la. Ninnu de tun y'an ka samine nesigibaara keta kunbabaw ye dakurunjefo la.

**Usumani N Tarawele
CMDT kalanfada
nemaa sigida Bamako**

Sukorow

Jofen dabali te
Nka togo tununbalib
Ninakiliminefen be
ye don do ninakilibilafen ye
Nka walejuman be don ke
Ani ka don be se ke, sabalidugu
Maa be ko o ko la
i k'a ke
K'a soro i m'i kokuma jate
Barisa, a kera cogo o cogo
Maaw be do fo i ma.
An kan'an kokuma jate
fo n'a y'a soro
anw yere neginnen don an ka
ketaw la
Maa be seere y'i yere ye
numanke ani jugumank
Be se kunko y'i yere labo
N'i be se y'o don
k'o mine tine ye
Dine be diya, Barisa
maa si, tene maa si kokuma
belen
Awa n'o kera
Sukorow be sewa n'an ye
Barisa u b'a don k'u ye numan
t'u ko.

Tumani Yalam Sidibe

Sangalaci

Jekabaara sebenjekulu
nisongoyalenba b'aw ladonniya
ko Laji Amadu So, n'o y'an
baarakenojon madamu Jakite
Orokiyat So fa ye, k'o faatura
Bamako san 2002 awirilikalo
tile 6. A janaja kera awirilikalo
tile 8, ntendend.

Ala k'a dayoro suma.



Hakilisenekene

Ni su kuntaala be se kera suruku sunogobagato kan, o ye gariseges sirikosaba-ni-garisegetijne mormorokun ye. Ko be se b'a waati fe. Awa ko o ko kewaati mana teme k'a kebali to, o te se ka bange fen were la nimisa kun kelen ko.

Tumani Yalam Sidibe

An ka CMDT ka Sikaso cikemara lakodon

Kalo salen, an y'an senbo an yere koro ka Sikasosira mine, walasa ka taa ne ni mankutuw ye aw ye min tigeda folo kalan Jekabaara ka awirilikalo boko kono. Nin yoro in na, aw bena CMDT ka Sikaso cikemara nemaaba de ka korofokanw kalan, n'o y'an jenjogonke Aya Umaru ye. Fen min ye Sikasso CMDT ka cikemara sigicogo n'a konoow ye, Aya Umaru ye min fo o kan, o file nin ye :

Sikaso CMDT ka cikemara be boli "perefekitiri (kafo) fila de kan, n'olu ye Sikaso ni Kajolo "perefekitiriw" ye. A sigikenye bametere 20 750 nogen ye. Kucala ni Doyila perefekitiriw b'a ni keneke ce, Burukina Faso jamana b'a ni koron ce ; Kodowari jamana b'a ni worodugu ce, Buguni

Sikaso cikemara be dabada 30 994 de kolosi. O hake o la, minnu ye koericike ke ninan baaran kono, o benna dabada 28216 de ma. O be ben dabada hake 90% de ma.

Fen min ye cikelaw ka minenkow ye, an be se k'a fo k'o fanba ye minen dafalen tigiw ye. Nko n'a ta bse, cikela tilasigida naani bse maa b'an ka mara kono :

- Minen dafalen tigiw
- Dabanana ni misi kelen ani dannikemasin tigiw ; furakemasin ani wotoro,
- Dabanana kelen ni misi kelen tigiw
- Cikela minenntanw (hali n'olu hake ka dogon haali). Awa CMDT be nin kulu kelen-kelen bse kolosi a nema. Lakoliden sigilen be sigi-

GARIL



Aya Umaru

perefekitiri b'a ni tilebin ce.

Sikaso CMDT ka cikemara konomaa hake bisigilen don k'a ke maa 50 029 ye. O b'a jira ko maa 25 de be soro kilometerekene kelen kono.

Sikaso jama fanba ye cikelaw ye. Senufow y'o hake kemetylada 92 % nogen ye. Nka siya werew be Sikaso, i n'a fo bamananw, fulaw, samogow, gananw, domow...

Fen min ye sena taasira ye,

daw la cikelaw lafaamuyali n'u kalanni kanma baara kecogo numan kadara kono.

Fen min ye "APC" kunkankow ye

Tine don, awew (AW) ye netaa-baara caman lawaleya an ka duguw kono. U y'u joda fa a nema cikelaw ka bonogolasiraw boli la. Nka, a ko geleyantan te ka da kan dugu cikelaw bse tun be soro "AW"

kelen de kono. O geleyaba do kera dugu juru binni ye dugu cikelaw bse kan. K'a fo k'i ka juru sara i ma min ta, ka masoro dugumaa do de y'a ta ka dese k'a sara, o kera geleyaba ye. O nana ni danabaliya ye dugumaaw yere ni nogen ce. N'i y'a kolosi, cikela caman ye motow ni telewison ni fen werew san juruwari la k'o sarabaga ke dugu mume ye. Awa, o de fana kera sababu ye ka maa caman galabu faga Aweko la (Do ka dol min, do k'o minkan fo). O wale o nana ni soro yere barika binni ye duguw kono, ka da dugudenw ka farifaga kan. O de kanma, nemaaw y'u sigi k'u miiri cikelaw labenjekulu werew taabolo la, min be se ka na ni netaa ye duguw kono. O jekulu kuraw ye tali ke kuntilennaw kan : kooriseneaw danmata, sumanseneaw danmata, hali nakosenenaw danmata. O de welera ko "APC". O jekulu o kelen walima a fila, f'a saba be soro dugu kelen kono, ka da baara kelen kebagaya kan. Awa, fen werew min be "APC" ni "AW" bo nogen ma, o de ye ko sigikanseben be "APC" kelen-kelen bse la, min lakodonnen be mara nema kunda. A kelen kelen bse n'a lakodonnimor don. N'an y'a jatemine an b'a ye ko "APC" in sigira sen kan faamuyanini nogenye de senfe minnu kera ka caya baaran temenenw kono CMDT ni cikela jekuluw ni nogen ce. "APC" konomaa bse kunko y'i yere togolajuru ye. Nka bse lajelen kunko ye jamajejuru ye. O jamajejuruw be tali ke yiriwa taabolo juruw la, APC maa bse b'u kan di minnu kunko. N'olu ye nogenko, walima jamajeminen werew ye; minnu bena ni jama ka yiriwa ye. Nka fen min ye negelajuru werew ye, i n'a fo motow ni telewisonw n'u nogenna werew ye,

maa min b'a ta, o de b'a sara.

Koɔrisene taabolo

Koɔri be sene a nema Sikaso. CMDT ka wurusili izini fölow do yere be yen. Sannifeere siratge la, hali ni o baaraw be senna hali bi, min kera ka se baara in kewaati ma, o b'a jira ko koɔri sɔrɔta hake bolodalen be sɔro. Sikaso mara ye an ka jamana cikɔyɔro lakodɔnnen ye. CMDT baarakelaw bee fana cesirilen don koɔri ni senefen tɔw ka netaa waleyali la Sikaso mara kɔnɔ. Ninan tari 90 366 de senena Sikaso cikemara kɔnɔ. Nka kene seneta bolodalen tun ye tari 85 500 de ye. O b'a jira ko do farala a kan. O be maa nisondiya, ka d'akan, a fɔra salon baarasan min ko, cikelaw tun fununa koɔrisene ma o la. O kene hake cikelen na, koɔri sɔrɔta be na ke tɔni 77 010 ye. O ye sɔrɔta hake bolodalen ye.


Fen min ye senefen werew ye

Koɔrisene ni sumansene de be taa nɔgɔn fe. O kanma kaba ni no ni fini be sene a nema Sikaso. Fen min ye nakɔfenw ani kumafenw ye, olu fana faso do ye Sikaso ye an ka jamana kɔnɔ. Awa, nin senefen bee fana ka dontala ye CMDT ka haminanko ye. Fen min ye hali jiriko ye, bee be Sikaso joɔɔrɔ dɔn o la an ka jamana kɔnɔ yan. CMDT te dan cikelaw kalanni danma ma koɔri ni sumanw sene ni ka netaa taasira la, a b'u kalan baara kɔcogo numan feerew fana na i n'a fo dugukolo tijeni kubebenbaaraw, foro furakɔcogow fo ka se nɔgɔdonw ma. Fen min ye kalan taasira ye, Sikaso be jate CMDT balikukan marabaw fe bibi in na.

Fen min ye CMDT ka juruko taasira ye, o caman donna an ka mara kɔnɔ ninan. Hali n'a te sefa war i miliyari 10 bo. Koɔri bolen ko yen, an y'a jira aw la ko CMDT ka kolɔsi be boli kabaseñe, keningessene, finisene, malosene, tigasene ani sɔsene kan. Benɛ ni

bagandumuni senefenw fana b'a la. Fen min ye kumafenw ye (bananku ni pɔmutere ani ku) an b'olu fana cike a nema. Ka fara nakɔw kan, tarikene bolodalen don nin senefen kelen-kelen bee kanma an ka mara kɔnɔ. Fen min ye nakɔw ye, maakelennakɔw ni jamajenakɔw be yen. Nakɔw labaarabaga fanbow ye musow de ye, o de kanma musokaramogow b'an bolo minnu ka baara bennet be musow kolɔsili ma u ka baaraw kadara kɔnɔ.

Aya Umaru ka ladilikanw ka



Sikaso ye koɔrisene yɔɔrɔba ye

Nesin Sikaso ni Mali cikelaw bee ma

Ladilikan o kuma ka nɔgɔn haali. Bi-bi in na, bee b'a dɔn ko koɔri de y'an ka hadamadenya ka netaa baju ye an ka yanfanse Afiriki jamanaw kɔnɔ. Ka da do farali kan koɔri sɔngɔ kan, koɔrisenenaw be ka do fara u ka kene senetaw kan. U k'u jija k'u sese don koɔri kalite numanyako la. Ka kene seneta bɛreben, ka koɔri kalite numan hake caman sɔro, ka lakolidenw ka ladilikanw tiime, ka koɔriforo furakɔ a nema ani k'u janto a bɔwaati n'a bɔlen lasagonni na. Bi bi in na, feerew be yen, minnu b'a to o baara o be k'a nema. N'an ye koɔri numan bo, o de b'a to an ka jamana be tɔgo duman sɔro dijɛ koɔrisugubaw kɔnɔ. o suguw kɔnɔ, koɔriw kalite de b'u bila nɔgɔn ne. Awa, jamana

caman de dun ka koɔri be sɔro yɔɔ kelen. Jamana bee dun mankutu de be tali k'i ka koɔri cogoya la.

Bi bi in na cikelaw ka kan ka sɔro sankɔrotasira bɔ ni tolinoğow ani tubabunogow labaarali ye nɔgɔn fe.

Gelεya do b'an kan bi, o ye koɔri kaliteko ye. Ninan baarasan na, a fɔra ko "awew" ka sɛgesɛgejekuluw de be dugu koɔri kalite sɛgesɛge. O jekuluw kalan-na o baara la CMDT baarakelaw fe. O n'a ta o ta, sɛgesɛgeli in caman ye kalite folo di koɔri caman ma, minnu kalite lakiaka lakodonna

pɔnbasi kili la k'a ke kalite filanan ye. O kanma, n b'a nini dugu sɛgesɛgejekulu fe u ka baara ke ni ladiriya ye. Tiŋe don, u b'u ka baara san folo la, n dalen b'a la ko san nataw la, ani ka da dɔfarankankalan sɔrotaw kan, baara in bɛna ne u bolo ka t'a fe.

Nin ye Aya Umaru ka jaabi kologirinw ye an ye minnu sɔro k'u lase aw ma. Jekabaara kalanbagaw bee tɔgo la, an be foli ni walenumandɔn, ani taanuni ke ka nesin Aya Umaru ni Sikaso CMDT cikemara cikelaw bee ma, an'a forobabaarakelaw bee ma. U ye baara in nɔgɔya an bolo kosebe ni bisimilakɔnuman ye.

Nininkali barotigi : Aya Umaru,
Sikaso CMDT cikemara kuntigi

Nininkali kebaga : Tumani
Yalam Sidibe

Koɔri sannifeere lahala ka se awirilikalo tile 10 ma, san 2002

In'a fō an y'a damine cogo min kabi koɔri sannifeere dakun fōlow la, an bëna taa ne n'o wale kelen kunnafoniw ye. Baara in kun ye ka koɔri taabolo bëe bila hake kelen na, faamuya taasira fō koɔriko lahala kan, sannifeere hukumu kono.

| CMDT cikɛkamaraw | Tɔni hake santa bolodalen | Tɔni hake sannen | Kemətilada % | Kolɔsiliw |
|----------------------|---------------------------|------------------|--------------|-----------|
| Fana | 105 000 | 57 767,330 | 55 | |
| Buguni | 98 920 | 59 526,220 | 60 | |
| Sikaso | 107 010 | 58 999,211 | 55 | |
| Kucala | 150 000 | 100 134,026 | 67 | |
| San | 57 050 | 41 692,473 | 73 | |
| Kita | 36 520 | 32 807,428 | 90 | |
| CMDT ka lahala kuuru | 5 545 000 | 350 926,688 | 63 | |
| OHVN ka lahala kuuru | 38 148 | 19 245,693 | 50 | |
| Mali ka lahala kuuru | 592 648 | 370 172,381 | 62 | |



Nin ye koɔri sannifeere lahalaw ye. Nka fana, a kafisa an ka ladilikan dɔw di cikelaw ma walasa baaraw bë taajne sabati kono. O de kanma n b'a jini aw fō aw k'a jenɔgɔnke Usumani ka kalo ladilikan kalan ne 2. O bëe kofe fana, n b'a jini an ka cikelaw fō u kana dan ladilikanw kalanni danma ma, u k'u kɔnɔkow waleya fana. An bëe ka jetaa b'o de la.

Dawuda Mace Dawa
CMDT kalanfakuntigi CMDT ne'maada Bamako

Ntaalen : Ngolokɔrɔ n'a mankutu jogow

N'i ye Ngolo ye sensen na,
a Ngolobugu magenna don
O Ngolo kelen, tɔgo fila b'a la :
O tɔgo fila si t'a tɔgo duman ye.
- Ngolokɔrɔ ni denmisenn taara
kungo la
- Ngolokɔrɔ tilena ka denmisenniw

bugɔ. O si t'a tɔgo
duman ye.
- Denmisenniw tilena
ka Ngolokɔrɔ bugɔ, o
fana t'a tɔgo duman ye.




Zan Konate
Jamana gafedilanyɔrɔ
Bamako

Jörenanko

Bi, jörenanko kelen b'an cikelaw la min kolo ka girin haali. O ye faso taabolo ye cike dakun na, fanga kura nata tigilamogow fe. Maa 24 jamanakuntigi sigilan kelen nofe, aa ! O ka ca dëre. Awa, nin maa kelen kelen bëe sonn'a ma n'u darokanw ye ko, netaawale fen o fen ma jateminé ke seneko ni baganmara taabolo kan anw ka Mali jamanaba in kono, k'o te bongola sabati anw ka jamanadenw ye ne si ma. Mali fanba ye senekedaw ni baganmarayorow de ye. Nka, hun dëre ! Fangajininanw, u sogomakan n'u wulafekan te kelen ye dëre ! Fangajininaw, u tijekanw n'u nkalokanw be dëre. Aw m'a ye, jaa dëre !

N'u kumana i nena, an ka politikimaa jöyöröjininaw koni, n'u kumana i nena, i b'a fo ko sini bëe an ka jamana ka bongola be sabati ka teme Lameriken jamana kan (n'an k'o ma ko etazini). U b'a kuma todentige ani k'a tulutige. Baara minnu be ke, a minnu be fofö noçon ko. Senekelaw ninjoro be da lefew kan k'a yanga ; monnikelaw be u yere ye ni jobaw ye salanbaw kono, Joliba baji cema ; forobabaa-rakelaw ni kenyereyew bëe be don sanga la ; bëe b'i yere ye da la fasoba in netaasira kan ! Nka, a y'a to dëre. A y'a to u ka fanga soro banni. N'o kera,



*kalafili - wagande ko di ?
A ko gundo ni yeresakoke*

i b'a fo ko maa kuraw de bora sanfe ni fanganinina ninnu nedé ye, n'u te jamana in don sanko a denw. O ye jörenanko ye dëre. An dun ka kan ka hine jamana in na sa dëre. San 42 yere mahoronya, ko hali bi taabolo jönjön t'o ka netaa sira boli la, o ye jörenanko ye dëre. O kanma, ne b'a nini masake kura sigita fe, a k'a ke Ala yere kanma ka faso ka bongola bila a yerekun n'a ka minisiriw, an'a ka depitew ka here sanfe. Do kera sa dëre ! Ne b'a nini fanga kura nata fe, a k'a ke cogoya bëe la nafa ninibagaw ka ke nafa tono dunbagaw ye, hali ni baarakebaliw fana be bo soro keta hake murumurunin nunma. Nin bëe de kanma, ne b'a nini an ka jamana kuntigi kura fe, a k'a jira Malidenw la ni tije walew ye, ko baadabaada segenjugu t'an ka jamana dakan ye.

**Seriba Umaru jara
Jekabaara kanubaga do
ka bo nena mara la
(Sikaso)**

U ko

An ka fanga marali waati be kunce san 2002 zuwenkalo tile 8. Tile kelen te fara o kan. Nkan b'an ka fanga baara ke a nema fana fo don. Zuwenkalo tile 8 de y'an ka fangabiladon ye.

**Alifa Umar Konare
Mali Jamanakuntigi**

Maa numanya ni maa juguya, nin bëe ye adamade-nya taabolo do de ye. Awa, n'i y'a men a min m'i nafa, i b'a soro i y'o de ni musalaha ke.

**Binaaba Sako
Ka bo kabawala (Sikaso)**

Ninan jamanakuntigi sugandi kalafili be taabolo min kan Malidenw bolo, o file : Malidenw be tu sako ta u layelebaga n'u lakasibagaw de ni nögoc ce.

**Agibu Danbele
Ko Ginba "Nassouli", tiyatiribola, peresidan sugandi
cebo, Bamako**

Aw b'a don dije diyababaga ye mögo jumen ye wa ? Maa kunkelen don, min ma dije bila minen were kono, sigikan minen ko.

**Zuli Arawanyaki
Fatoko min ye Luwi XIV faga
(Faransi jamana)**

CMDT ni World Wision ko cikclaw ka taane

An be don min na i ko bi, mun fən kelen y'an cikclaw nisondiya ? Fən kelenpe. O ye CMDT ni World Wision ka nəgənsərə ye nətaa waleyakəne kelen kan. San ni Tominan ; Bla... Nin yərəw bəs cikclaw be taane sira kan. Kəorisəne donna də la ; nakəbaara ni kalan ni baganmara yiriwara; sirabaw dilanna, dəgətərəsəw jəra, fo ka se musow ni cew bilali ma u ka nətaasiraw kan. Fən min ye sumansənew ni sənəfən wərew matarafali ye, Wordl Wision be CMDT dafə nin fən ninnu bəs waleyali sira kan yərə kofəlen ninnu kəno. Dijə ka di n'i b'a kəno. Nətaa ye tijəko y'a dəmə waleyabaw de bolofə fana.

Anw cikclaw ta te dəwərə ye nin ko in na Ala walenumandənni kə. N b'a nini CMDT nəmaaw ni World Wision nəmaaw fə, u k'a dən ko donkelenfa te wulu ke dosokərə ye. Nka wulu waatijanladon de b'a bila yəredahirimə nininko numan sira kan. Tijə don, CMDT ni World Wision y'u joyorə fa anw cikclaw ladonni na fo ka se bi ma. Nka, u



ka taa n'an ye bənəgəlasira kan halibi, fo ka se an ka

senyərekərə lakika ma. O b'a to u təgo be to ntaalen na an bolo. Nin be n hakili lajigin Aya Umaru ka jemukan də la, ale min tun ye Kucala "DTDR" nəməcə y'o waati la. A ko : "Jekulu si barika man bon nətaa sabatiwalew ma, jekulu si hake man ca nətaa nəninibaaraw ma. Fosi man di adamaden bolo fo don də a ka maa wərew ye ale kəra sababu ye ka minnu ka nətaa sabati". Öwən, san 1997 zanwuye-kalo ntənəndonya də la, Aya

Umaru ye nin kərəfə fə Kucala dugu də cikclaw ye n nəna. Bi, o kumakelen de bəna n hakili la, ni n ye CMDT ni World Wision kəgədonnen ye cikclaw n'an ka duguw ka nətaa walew tiiməni baaraw la. Awa, foli wəre t'anw cikclaw bolo ka s'u ma ni walenumandən te. Jən de be sən k'i kəgə don faantannin kərə, k'a dəmə k'a bə nəgo la ni sinidənbaga te.

Toroba Mori Kamara
ka bə Tuna
A temənsenna don Sikaso

World Yangaso dugu kəttə

Ne Ayisata Tangara nisondiyalen be nin bataki ci Jekabaara nəmaayaso la Bamako.

Ne Ayisata Tangara ye "World Wision" ka balikukalan-den jolen ye Yangaso dugu kəno. Ne be balikukalan damine tuma min na, ne tun te foyi dən. N ka bi, "world Wision" nana ne bə kunfinya dibi la. Ka d'a kan, an be don min na i n'a fə bi, n be n ka lətərə ni n kə jatew bəs nənabə n yərə ye ka ban pewu. Ni ne taara ni feerefənw ye



sugu la, sannikelaw tun be ne nanbara cogoya bee la. Nka bi bi in na, maa te ne nanbara abada, ka d'a kan, n be kilogaramu don fo ka taa fo ko n y'a don. Ne miiri la, ninnu ye nafa ye maa te se ka minnu fo ka se u dan na "World Wision" ka yirwalibaa raw siratige la. Hali balikukalanko hukumu kono, anw ka kalandenw be taa kalan ke wulafe ka soro ka na ben n'an ka surofanatobi ye. O hukumu kono, n b'a fe k'a fo n

balimamusow ye, ko tobili te an musolakaw ka kalan bali. Halibi, "World Wision" ka deme nasira la, a ye deme ke ka nesin dugu caman ma Yangaso n'a lamini na, i n'a fo kalansojo, lakolisojo n'a noggonaw. Yangaso dugu yere kono yan, a ye anw musojekuluw deme ni nogen ye, ka santiri fana jo ka minen caman bila o kono. Min ye sanuyali nasira ye ka nesin an ma dugukononaw, kolondaw ani sokononaw ma, "World

"Vision" ye yeslema don olu mincogo la. Bolomayelembabaarako hukumu kono, a ye warimaraso do jo an ye walasa k'an ka jago miseninko nogoya. ka d'a kan, an be wari juru ta yen. N'an ye baara ke ni wari in ye, an ye min ta, an be taa o segin k'an ka tononin ta. O siratige la, maa te se ka "World Wision" ka demeko fo ka se a dan na.

**Ayisata Tangara
ka bo Yangaso**

Ka bo Ntoso

Ne Burama nisondiyalen be nin bataki ci Jekabaara nemaayaso la ka n ka nisondiya jira an ni "world Wision" ka baaranogonya siratige la ka nesin anw ka dugu ma, n'o ye Ntoso ye.

N balima Jekabaara nemaaw, ne b'aw fo dan te foli min na, k'a fo k'aw timinan ka di kosebe.

Ne ye bamanankan kalanni damine kabini san 1995 "World Wision" fe. Ka ke karamogo ye an ka dugu la, n'o ye Ntoso ye Fani komini na, Bila kubeda la. Nka karamogoya in kera dugutigi ni dugumogow ka yamaruya kono. Karamogoyakalan kelen n fe, n taara kalan damine ni kalanden mugan ni duuru ye (25), ka ben desanburukalo ma. O temenen ko, "World Wision" ye baara dow ke an dugumogow ye. A ni dugumogow jera ka dow fana ke noggon fe, i n'a fo kalan sojo. Dugumogow y'a farikololabaaa ka, "World Wision" y'a jo n'a nafolomayoro bee lajelen ye, ka kalankeminew di kalandenw ni karamogow ma. O temenen ko, "World Wision" ye deme were



ke dugumogow ye n'o ye ka mogo dow kalan baaramiseninw na soro yiriwali sira fe dugu kono, n'olu ye : safunedilan, muntuludilan, denw ka monimugu bo, n'a noggonaw. O ton sigira dugu kono dugumogow yerew fe k'o tsgo da ko "Soroyiriwaton". O be baara ke dugu kono. N be "World Wision" fo kosebe a ka cesiri la. Nka halibi, n b'a nini "World Wision" fe, a k'a hakili to a ka balikukalankaramogow la ni demew ye, walasa u ka taanikasegin be nogoya u ka forima-

siyonw waati la. A k'a don fana ko maa kalannen ni kalanbali ka faamuyali kecogo te kelen ye. Aw kana dugumaaw ka ketaw laje, a ye karamogow deme. Ni o te, u te kalan in nafa don kosebe. Halibi, n be "World Wision" fo a ka naniyanumanya la ka nesin anw ka dugu ma lakolisojoko la. N b'a fo ko "World Wision" ye maa jigi bo haali !

Nin y'aw denke n'aw balmake kan ye ka bo Ntoso, "World Wision" ka balikukalan-karamogo

Burama Danbele

Yeretanga

n'a fo aw y'a kalan boko temenenw kono cogo min na, Sida ye bana ye kunbenfura ni kenyafura te min na hali bi. Nk'a dankarifé ye fén kelenpe min ye, o ye yeretanga ni yéremine de ye. K'i yére tanga



kulusijala ni taafebolo taabolo la. Taasira saba de b'o yeretanga la.

- **Fo** : kanunjogonw ka tilen ani ka jéya nögón ye. An kana jenogonw caya. N'an dun te se k'o ke, an ka fugula nafamaw k'an taalan ye. An bee b'a dón ko hali diine siratigé la; jeneyá ye kojugu bee fa n'a ba ye. Ni jenogonw y'u sako don nögón danma na, a ka c'a la, kisi be ke banajuguw ma : Sida ; dogonyoré bana tow). O bee kofé, ni jenogonw y'u wasa don nögón danma na, o be sigi diya, barisa a bëna ni danaya ye duw kono.

- **Filan** : N'an deséra kafo nögón-kelen matarafali la, an ka tangalanw k'an taamanjogonw ye. O ye fugula nafamaw ye. N'o

kera, an b'an yére kisi ani k'an jenogonw kisi. Nin yoré ka faamuya a nema an ka tilemafé taamadenw fe. A cemaw n'a musomaw. An k'a dón k'olu be se ka kosegin ni fén wérew y'an ka duguw kono, min te wari danma ye. O samafé dun be se ka na ni maasiba ye du ni dugu bee ma : (banajugu, kono, fo ka se kónotiné kasaaraw ma)

- **Saban** : o ye yéremine ye. K'i yéremine ka bo sirajugu bee ma Furuke k'a yéremine ka bo muso tow bee ma fo k'a bo a furumuso walima a furumusow la. Awa, furumuso fana k'a yéremine ka bo ce tow bee ma, fo ka bo a furuke la.

gelen yére ye. Aw m'a ye, Sida don o, sida te o, jenogoncaya ma k'an ka jamana siya si danbe ye abada ! Djénatigé ka di a lago-sili ma a tigilamaa yére fe. Anw malidenw kera an faso fe waati bee. An dun k'a dón fana ko farikolo kéné, ni kéné ani hakili kéné de be baara numan ke, sanko fasobaara. K'i yére lakana ka soro i ma dankari jamana den tow ka kenyá la, o nögón faskanu be wa ? Ayi dere. Awa an fana k'an jororé fa Sida kéléli la an ka jamana kono.

Yali aw tun be nin dón wa ?
San temenenw la ka se bi ma, Sida ye denmisén maa 12 000 000 de ke feretalen fantan-bantaw ye Farafinna. O hake la, maa 3 000 000 de be Afiriki cemancebolo n'a tilebinbolo



N balimaw, Sida ma ni. Banajugu don. Ni fura t'a la ka se bi ma, maa koni be se k'i yére yoré janya a la. O fana te ko

jamanaw kono. Yali o te makari ko ye wa ?

**Mamutu Buwa Konate
Ka bo kaaba (Kulukoré mara)
Mali Jamana.**

“IER” ko di mangoro gerefeli kan ?

An ka jamana soro sinsin-nen don fen dan-madaw kan, i n'a fo jiri-forosene ni nakobaara n'a noggonaw. O siratge la, mangoro joyoro ka bon kosebe, soro ta fanfe. Wa, a be se ka jamana nafa, fo ka jamana werew bo an nunma. O kadara kono, “IER” (seneko ka nstaa nejini baarada) y'a sebe don mangoro yiriwali feerew ninini ma. Ka feere soro a gerefeli la, min b'a nafa caya, k'a dondala diya. o gefeli kecogo min sirigira sen kan “IER” bolo, o waleyali ka nogo, w'a be se ka ke mangoro suguya caman na, i n'a fo : nunkurunnin, fumanin ani nunjannin. O la, wala-sa mangoro gerefeli numan ka soro, o be soro gerefeli yere kecogo de la. Kabini mangoroden mana kogo (a mona, a ma mo. A sinasina), gerefeli be ne kosebe o waati de la. N'i y'o mangoro suguyaw soro tuma min na, i b'u fara bo u la, k'u bila mo na dogokun kelen kuntaala kono, siseriyoro do la. N'o kera, i be mangoro ninnu bu n'u kolow bo noggon na : Bu be se ka laben ka ke foronogow ye. O la, i b'u kolow bila suma na u ka ja. Nka, i kan'a to u ka ja kojugu. Tile 2 ka se tile 3 ma. I be soro ka kolow woren cogoya la, muru ta kono den tige cogo min na. I be soro k'u dan. O de kanma a ce ka ni, i ka mangoro danniyoro laben tile 2 ka kon o baara ne. Ni maa min ma se ka danni ke joona, i b'u don cencen koro, suma na, tile 3 kuntaala kono, ka danfara don u ni noggon ce. N'u falenna, u be son siue 2 walima siue 3 dogokun kelen

kono. O kofe, i be soro k'u turu yoro labennen na, nogo ye yoro o min labo (toni 50.). I b'o yoro son ni ji ye kosebe, tile 2 ka kon a turuli ne. I be fenjenamafagalanan fana ke yen. Turuli waati min ka ni, o ye jirisen buluw nerelama waati ye, walima u lankirima waati. Ni turuli be ke, i be

Tomihatini” ye. O motuma ye mekalo laban ni zuwenkalo daminewaati ye.

Hakililajigin na : N'i be gerefeli ke, i be jiri nun tilennen de tige. A janya kana teme santimetere 5 fo 7 hake kan. W'a tigedon y'a gerefedor de ye. Nka ni maa min y'a don k'i te se k'a gerefe o don kelen na, i be se k'a nemadogo cencen sumalen koro tile 4 walima tile 6



Mangoro ladonko numan fana ye nafole ni neema ye

jirisen buluw bee bo a la. Turuli tile 3, i be do bo a diliw la. Nogo ka ni u koro o waati la kosebe (i n'a fo kafeminkutu ne 1 ure la). I b'a son ji la sanga ni waati bee. Awa, i be binjuguw fana bo u koro. “IER” ye fura minnu soro mangoro ka sabatiko la, olu de file ninnu ye : “hindani” ni “furadan”. Gerefeli tuma, Baginda ninininkeyoro ye mangoro suguya caman kofe, i n'a fo : “Iriwi”, “zili simifu”, “kenti;” Nka fen min ye mangoro suguyaw ye minnu be meen ka soro u ma tine, jiriden labaara izini, min be wele ko “FRUITEMA”, o y'a banban mangoro suguya fila de kan o dakun na. O suguya fila “Hadeni ni

kono. Gerefeli be ke neen waati (Desanburukalo) de la.

N'i ye jiri feereta siri mangoroju la, i be a to fo kalo fila hake. O b'a soro tuma bee i b'a son ni ji ye ani k'a koro binjugu tige.

Ni maa min ye baara ke nin cogo la, a ka ca la, i be tono soro mangoro gerefeli baaraw la.

An ye nin kunnafoni jemukan ta naansarakan na kunnafoni seben kono min be wele ko : “Les Echos” (Welewele). O seben boko 667 nan, san 2001 zuluyekalo.

Bayelemabaga :
Idirisa Setigi Sako

San 2001 nowanburukalo Jekabaara kono

nininkaliw jaabi kunbabaw

Jekabaara boko 193 nan kono, san 2001 nowanburukalo, an ye dasumusumu nininkali dōw ke ka nesin Jekabaara kalanbagaw ma. Baara in kun tun ye maaw haminankow nininkadon de ye, minnu y'u wasa don Jekabaara la kunnafoniko ni yerekalan siratige la. Nininkalisen wolonwula de tun kelen b'o kadara kono. Olu tun ye :

1. Aw be mun ni mun soro Jekabaara kono kunnafoni siratige la ?

Jaabi sorolen fanba (65%) ye min fo o la, o file nin ye : "An be min soro Jekabaara kono, o nafa te fo ka ban. Baarakalan ni yerekalan, ani lamini kalanw be soro Jekabaara kono. Farikolojenaje ni keneya taabolo kunnafoniw b'a kono. Tijne na, Jekabaara ma jine fən ko kunnafoni siratige la. Awa, a b'an cikelaw de nafa kosebe, kuma t'anw kooriseneaw ma".

2. Olu (kunnafoniw) nafa be se aw ma wa ?

Jaabi sorolen la, jaabi 200 y'a jira ko : "Jekabaara kono kunnafoniw be se anw cikelaw ma an ka baara n'an ka dijenatige taasira bee la".

3. Aw hakilinan ye mun ye Jekabaara lasecogo la aw ma kabi san 2001 awirilikalo ?

Jaabi 175 y'a jira ko : "Kabi san 2001 awirilikalo, yelemba donna Jekabaara lasoroli la a kalanbagaw fe, k'a masoro u b'a soro a bokalo la.

4. Yelema jumen be se ka don Jekabaara kunnafonisbenko la ?

Jaabi 150 y'a jira o la ko : "Jekabaara ye kunnafonisben dafalen ye bi. Min b'a je o ye kalo ladilikan ye baaraw n'u kewaatiko la".

5. Yali Jekabaara bakurubasan wari be se ka sara aw fe, ka kon Jekabaara soroli ne aw fe wa ?

O nininkali jaabira bee fe ko : "Ayi, a ka to bolo koro kan. K'a sara sannifeere kelen ko".

6. Aw yere hakilina ye mun ye Jekabaara jensenni lakika taasiraw la. Olu ye sira jumenw ye

?

O fana jaabi fanba kera nin de ye : "A ka to CMDT ka bolokoro in kan, o k'a lase an ma".

7. Aw ka lanini ye aw yere sendonni ye Jekabaara laseli kojuman siraw la wa, Ka se kalanbagaw ma ?

Jaabi saba sorola o la :

a) Owon ni CMDT y'an kalan o baara kecogo la (jaabi 120)

b) Hali n'o be ke, o ka ke AW ni APC fe ani Jekabaara taasiraw bee : (Jamana ni CMDT (jaabi 75)).

c) Ayi : A ko ka to nin cogo la, o de ka ni. Hali ni yelema dōw be don o la saracogoko la (jaabi 45).

Kolosili : Nin jatemine kera jaabi bakurun 265 de kan.

Jekabaara sebennekulu



**KALAN T'A KEKUN JE FO NI CE
NI MUSO BEE Y'A SORO**

Keleya dugu n'a kōnōkow

Jitumu ni Buguni ce, CMDT ka marayoro bē yen, n'o ye Keleya ye. Dugu 22 de b'a mara kōnō. Keleya y'a tōgō da lamini bēe la ko keleyadugu. Maaw ka fō la, Keleya ye Trawele bamananw ka dugu sigilen ye. Nka, bi bi in na, a kotigiya bē Bagayōkow ni Samakew de bolō. Fen min kōnō ye tijé kōrōbōbali ye nin bēe la, o de ye ko Keleya ye cikēyōrōba ye, min bē jate an ka jamana sēnēkēyōrōbaw fe. Fen min ye julaya ni numuyabaara ye, fo ka sē bagamara ma, o bē ke haali Keleya n'a lamini duguw kōnō. Keleyakaw bē mōne bō u yēre la a nēma dugukolo kēleli la : no, kaba, keninge, tiga... fo ka se kōri ma, ninnu bēe bē cikē a nēma u fe. Fen min ye kalanko yēre fana taabolo ye, nansara-kalan ni balikukan, olu fana bēe n'u kēbaga don.

Bēe b'a dōn ko gēleyaba sōrōla jinān kōri kalite sugandili la, ka d'a kan, o baara bēe tora

duguyiriwatōn w yēre ka bolo kan. CMDT sen ma ye o baara la, fo n'a kera a kēbagaw bilasirali ye kalan ni faamuya hukumu kōnō. A dūn yera ko duguyiriwatōn ka kalite fōlō-sugandilen fanba kera kalite filanan ye "pōnbasikili" la. O ye bin ye, min bē CMDT ni kōribaaara taabolo bēe kun. Walasa ka nēfōyōrō caya o wale la, o min t'an si sako ye. Jekabaara sēbenjēkulu ye taama kē ka se keleya n'a maraw kōnō. O taama senfe, an barokējōgōn w fana cayara : cikēlaw, lakōlikaramōgōw, fo ka se Awe nēmaaw ni zayeri nēmaaw, ani ji ni kungo baara tigilamaaw ma. O koson, an bē se k'a fō k'an kōseginnna ni jemukan minnu ye, k'olu bēna Jekabaara n'a kalanbagaw nafa haali.

Nka, ka da kafo baara bolo-dali taasira kan, ani fana, wala-sa jemukan ninnu n'u timiya ka kalan a nēma kalanbagaw fe, an y'a naniya ka kunnafoni sōrōlen

boloda boko nata kōnō, n'o ye zuwēnkalo bōko ye. An dalen b'a la k'an bēn'o bōko mamine kabini sisan.

Sanni o ce, an ka foli ni walenumandon kolo girinw bē kē ka nēsin Iburahima Baba Jara ni Keyitake ma, n'olu ye CMDT ka keleya zayeri w nēmaaw ye. O hakilina kelen bē se Bakari Zantigi Samaké fana ma, n'o ye Keleya duguyiwatōn do nēmaa ye. Kuma kuncé la, an bē bari-kada kē ka nēsin ji ni kungo ka Keleya baarada bolofara nēmaa ma, n'o ye Enza Sidibe ye. An tē nīn a ka dankan kō, n'o y'an jēnōgōn kē Jōpu ye. Ni Ala sōnn'a ma, aw bēna nin maa kōfōlen kelen-kelen bēe ka jaabiw sōrō bōko nata kōnō. Awa kuma nafamaw fana don dēre !

Tumani Yalam Sidibe

Jekabaara

Labōlikuntigi ni Sēbenjēkulu kuntigi

Tumani Yalam Sidibe
Sēbenjēkulu

Yusufu Fane
Tumani Yalam Sidibe
Dēmējōgōn w

Fanta Kulubali
Idirisā Setigī Sakō
Bonifasi Danbele
Nēgenw kēbaga

Yakuba Jara ko Kayi
Labēnba ga oridinateri la

Worokiyatu So
Baarakējōgōn w

CMDT-World Wision-
Ofisi Nizeri-Ofisi iri-OHVN
Hake bōta

11000
Batakisira : 2043

Nēgejurusira : 29 62 89

Jamana baarada-Séki zayedī tōgola
sira-Hamudalayi kin -Bamako

AN K'A MAMINE

JEKABAARA BOKO NATA KONÔ, AW BENA BLA CMDT
CIKEKAFO ANI KELEYA ZAYERIW KUNNAFONI BEE
SÖRS. O BOKO KELEN KONÔ CMDT KALANFAW BENĀ
KUMA AW YE KUNNAFONI NAFAMA WEREW KAN. FEN
MIN YE WORLD WISION YE, AW BENA O DUGU DOW
FANA TAABOLO DON KA FARĀ JAMANAKUNTIGISIGI
TEMESIRAW KAN. O KANMA, A YE ZUWĒNKALO BOKO
NATA MAMINE.